



Headlines

1. बन्ने आले जिले पुंछ च भारती वायु सेना दी कानवाई पर आतंकवादिएं आस्सेआ कीते गेदे हमले च वायु सेना दा इक जवान षहीद ते 4 होर जवान जख्मी बी होई गे न।
2. पहाड़ी जिला डोडा दे भद्रवाह ते मरमत इलाकें दिएं उच्चिएं धारें पर सुरखाबलें आस्सेआ बड्डे स्तर पर तपाषी अभियान चलाया जा करदा ऐ।
3. उपराज्यपाल मनोज सिन्हा होरें गाजीपुर उत्तर प्रदेश च मेधावी छात्र सम्मान समारोह च हिस्सा लैता ते षोधकर्ताएं ते षिक्षाविदें आस्सेआ समग्र विकास बारे कीते गेदे कम्में पर लोह पाई।
4. मुख् सचिव अटल डुल्लू होरें रामबन च जिमीं धस्सने आले मामले करी प्रभावत होए दे लोकें दी राहत ते आबादकारी लेई कीते गेदे हीलें दा जायजा लैता।
हून खबरें दी तफसील कन्नै विजय बजाज।



J&K AJF

बन्ने आले जिले पुंछ च भारती वायु दी इक कानवाई पर आतंकवादिएं आस्सेआ कीते गेदे हमले च वायु सेना दा इक जवान षहीद होई गेआ ऐ। हासल जानकारी मूजब जंदी संजा आतंकवादिएं दे इक समूह नै सनाई टॉप ते गुरसाई बष्कार पौंदे षास्तर आले जंगली इलाकें च भारती वायु सेना दी कानवाई पर घात लाइयै हमला कीता। भारती वायु सेना आस्सेआ सोषल मीडिया मंच एक्स पर जारी जानकारी मूजब इस हमले च वायु सेना दे 5 जवान जख्मी होई गे हे, जिनेंगी तुरत उत्थुआं कडिडयै नेड़ दे फौजी अस्पताल च पजाया गेआ। मगरा इक जवान ने इलाज दरान दम त्रोड़ी दित्ता। खित्ते च इस ब'रे सुरखाबलें पर होए दा एह पैह्ला बड्डा आतंकवादी हमला ऐ। हमले च षामल आतंकवादिएं दी धर-फकड़ लेई सुरखाबलें आस्सेआ घेराबंदी ते तपाषी अभियान चलाया गेआ। इलाके दी घेराबंदी करी लैती गेदी ऐ ते तपाषी अभियान गी बरोबर जारी रखेआ गेदा ऐ।



Search In Doda

28 अप्रैल गी उधमपुर जिले दे बसंतगढ़ इलाके च ग्राम रक्षा गार्ड दी हत्या करने मगरा मन्नेआ जा'रदा ऐ जे आतंकवादिएं दा समूह उत्तुआं नस्सी गोआ हा ते हुन सेना ते पुलस नै इंदी तपाष आस्तै डोडा दे भद्रवाह ते मरमत इलाके च व्यापक तपाषी अभियान चलाए दा ऐ। एह तपाषी अभियान इलाके च किष संदिग्ध नकलो हरकत दिक्खे जाने मगरा चलाया गोआ ऐ। पुलस मूजब भद्रवाह दिएं एच्चिएं धारें पर 2 मई गी 2 थमां त्रै संदिग्ध दिक्खे गे हे, जेह्दे मगरा तपाषी अभियान पुरु कीता गोआ, पर अजें तगर किष बी पता नेई लग्गा ऐ।

<><><><><><>

Shrine Board

कष्मीर दे सेहत सेवाएं सरबंधी डश्रैक्टर डॉ. मुफ्ताक अहमद राथर ते श्री अमरनाथ श्राईन बोर्ड दे अधिकारिएं कल बालटाल बेस अस्पताल दा दौरा लाइयै उत्थें श्री अमरनाथ जी दी यात्रा लेई सेहत सरबंधी तैआरिएं दा जायजा लैता। डॉ. राथर होरें सरबंधत अधिकारिएं गी आखेआ जे ओह इस गल्लै गी जकीनी बनान जे इस सलाना यात्रा लेई लोड़चदे मानकें स्हाबै गै सब्बनें बंदोबस्तें ते तैआरिएं गी तोड़ चाढ़ेया जा। तोआई जम्मू दे डिप्टी कमीषनर सचिन कुमार वैष्य होरें औंदी श्री अमरनाथ जी दी यात्रा लेई यानि निवास भगवती नगर च कीती जा'रदी तैआरिएं दा व्यापक जायजा लैता ऐ।

<><><><><><>

Div.Com Traffic

जम्मू दे डिवीजनल कमीषनर रमेष कुमार होरें इक बैठक लाइयै जम्मू खित्ते च ट्रैफिक दे प्रबंधन ते उसी बवस्था आले ढंगै सिर चलाने सरबंधी मामलें पर चर्चा कीती। उनें राष्ट्रीय जरनैली षिड़क सनें पैहरें ते कस्बें च ट्रैफिक दे बेहतर प्रबंधन पर जोर पाया। बैठक दरान जम्मू खित्ते च पूरे पराते ट्रैफिक दे प्रबंधन कन्नै जुड़े दे पैहलुएं पर सोच बचार होआ तां जे लोकें गी यात्रा दरान कुसै चाल्ली दी असुविधा पेष नेई आवै। डिवीजनल कमीषनर होरें मुत्तलका प्रषासन गी षिड़कें दे रक्ख-रखाव, षिड़कें पर लुक्क पाने, क्रैष बैरियर लाने ते होरने कम्में गी सेई ढंगै सिर तोड़ चाढ़ने लेई आखेआ।

<><><><><><>

Slow Traffic

जम्मू श्रीनगर राष्ट्रीय जरनैली षिड़क पर खूनी नाला ते किष्तवाड़ी पत्थर बष्कार गडिडएं दी आओजाई किष मट्ठी रफतार कन्ने होआ'रदी ऐ की जे 5 बड्डी गडिडयां बत्ता खराब होई गेदियां न। उआं अमले ते मषीनें गी कम्में पर लाया गेदा ऐ ते ट्रैफिक गी बवस्था आले ढंगै सिर चलाने दे बी इंतजाम कीते गे न। ट्रैफिक पुलस नै यात्रा करा'रदे लोकें गी हिदायत कीती ऐ जे ओह षिड़क पर अनुषासन कन्नै अपनी-अपनी बकखी चलन।

<><><><><><>

NEET

डाक्टरी दी पढ़ाई लेई दाखले लेई राष्ट्रीय सतह दा नीट दा मतेयान अज्ज मुख्खै भरै च आयोजन कीता जा'रदा ऐ। इस बारी मुख्ख भरै च 551 पैहरें ते मुख्खै थमां बाहर 14 पैहरें च मतेयान केन्द्र बनाए गेदे न। जित्थें 24 लक्ख कोला मते विद्यार्थी एह पेपर देंगन। राष्ट्रीय परीक्षा अजेंसी एनटीए नै मतेयान देने जा'रदे विद्यार्थीं गी आखेआ ऐ जे ओ अपना एडमिट कार्ड डाउनलोड करिये कन्नै लेआन जेहदे पर उंदी फोटो, रोलनंबर दस्तखत ते बार कोर्ड बी जरूर होए।



LG-Medhavi

उपराज्यपाल मनोज सिन्हा होरें कल उत्तर प्रदेश दे गाजीपुर च डॉ. बी.आर.अम्बेडकर इंटर कालेज च आयोजित मेधावी छात्र सम्मान समारोह च हिस्सा लैता। उनें इस मोकें पर "आदर्ष समाज" ते "षैक्षणिक षोध" दे बचार बारे इक संगोश्टी गी बी संबोधत कीता। अपने मुख्ख भाशण च उपराज्यपाल होरें षोधकर्ताएं ते षिक्षाविदे आस्सेआ कीते गेदे कम्मं पर लोहू पाई ते आखेआ जे इनें कम्मं, नागरिकं पर केन्द्रित सुषासन दे बचार गी बढ़ावा देने च बड़ी महत्वे आली भूमका नभाह करदा ऐ। उनें आखेआ जे साढ़े प्राचीन सांस्कृतिक बचारें ते आदर्ष समाज दे बचार गी राम राज्य दी संजा दित्ती गेई ऐ जेहड़ा सब्बनं दे इक बरोबर विकास ते तरककी लेई समर्पित हुंदा ऐ।



CS-Ramban

रामबन जिले दे परनोट ग्रां च जिमीं धस्सने आली घटना दी केन्द्री गृह सचिव हुंदे आस्सेआ कीती जाने आली समीक्षा षा पैहले मुख्ख सचिव अटल डुल्लू होरें इस कुदरती क्रोपी दी मारै हेठ आए दे परोआरें दी राहत ते आबादकारी लेई प्रषासन पास्सेआ अजें तगर कीते गेदे उपाएं दा कल जायजा लैता। उनें प्रभावत लोकें दी सेहत सरबंधी स्थिति सनें मकामी प्रषासन आस्सेआ उनेंगी दित्ती जा'रदी फस्ट एड दी सुविधा बारे बी जानकारी हासल कीती। उनें प्रभावत लोकें दी रोजी रूट्टी, कमाने दे साधनें गी पुज्जे दे नुक्सान बारे बी जानकारी लैती ते इनें लोकें लेई लम्मी मुद्धत आले आकादकारी हीलें पर कम्म करने लेई बी आखेआ। मुख्ख सचिव होरें इस थाहरै दा निरीक्षण करै करदे साईंसदानें कन्नै बी गल्ल कीती ते भविक्ख च इस किसमै दिएं क्रोपिएं गी रोकने लेई कीती जाने आली कोषणें बारे बी उंदे बचार हासल कीते।



Special

राहत ते बाबादकारी मैहकमे दे आयुक्त होर कष्पीरी विस्थापतें लेई उधमपुर च कायम विषेश मतदान केन्द्र पर कीते गेदे इंतजामें दा जायजा लैता। आकाषवाणी जम्मू संवाददाता दी रिपोर्ट मूजब कष्पीरी विस्थापतें लेई खास मतदान केन्द्र जम्मू

उधमपुर ते दिल्ली च कायम कीते गेदे न। इसदे अलावा उंदे कष डाक राएं वोट पाने दा बी विकल्प उपलब्ध ऐ। श्रीनगर, बारामुला ते अनंतनाग—राजौरी पार्लिमानी हल्के लेई बिलतरतीब 13, 20 ते 25 मई गी वोट पाए जाने न। एहदे थमां पैहले राहत ते बाबादकारी मैहकमे दे आयुक्त होरें मुत्तलका एआरओ कन्नै दिल्ली च 4 ते जम्मू दी 21 थाहरें कायम मतदान केन्द्रें दा दौरा लाया हा ते मतदाताएं दी सहूलत लेई कीते गेदे बंदोबस्तें दा जायजा लैता।



Army Rescue

पुंछ जिले च पेष आए दे इक षिड़क हादसे च मदद लेई सेना अगगे आई। रिपोर्ट मूजब इक सिविल गड्डी मेंढर षिड़क पर इक त्रिक्खे मोड़ पर षिड़क थमां हेठ खाई च जाई पेई। जिस थाहर पर हादसा पेष आया, ओहदे कष गै राष्ट्रीय राईफल्स दी बटालियन दी इकाई ऐ। सेना नै डरैवर गी पैहले बचाया ते पही गड्डी गी कड्डेआ। ताहिर जहड़ा गड्डी दा मालक ऐ, उन्ने भारती सेना दी मदद लेई आभार जताया।



Candle Making

किष्वाड़ जिले दे दात्रु ग्रां च सेना नै मकामी लोकें च हुनर गी बढ़ावा देने ते उनेंगी सषक्त बनाने दे मकसद कन्नै मोमबत्तियां बनाने लेई इक व्यापक प्रोग्राम दा सरिस्ता कीता।फ इसदा मकसद मकामी लोकें गी सषक्त बनाना, उनेंगी आत्म निर्भर बनाना हा तां जे एह लोक गी अपनी आजीविका कमाई सकन। इस दरान प्रतिभागिएं गी मोमबत्ती बनाने, ओहदे लेई लोड़चदा समेयान, तकनीक, ओहदा म्यार बनाइ रक्खना बगैरा बगैरा बारे सिखलाई दित्ती गई।



Interaction

भारतीय सेना नै लाम राजौरी च वीर नारिएं ते साबका फौजिएं कन्नै गल्लबात आले सत्र दा सरिस्ता कीता। इस दरान उनें गी नमिएं नीतिएं, पैंषन सरबंधी पैहलुएं, पैंषन हासल करने च आवा'रदी दिक्कतें गी हल करने ते होर सरबंधी पैहलुएं बारे दस्सेआ गोआ। वीर नारिएं कन्नै बी भारतीय सेना नै राबता कीता ते घर—घर जाइयै उंदे कन्नै गल्ल कीती गई। वीर नारिएं ते साबका फौजिएं गी भारतीय सेना आस्सेआ सम्मानत बी कीता गोआ।

